

Әбсаттар ДЕРБІСӘЛІ

ҰЛЫҚ ИМАМ - ИМАМ АҒЗАМ
ӘБУ ХАНИФА



Әбсаттар ДЕРБІСӘЛІ

**ҰЛЫҚ ИМАМ – ИМАМ АҒЗАМ
ӘБУ ХАНИФА**

«Dostar media group» ЖШС, 2011

УДК 28
ББК 86.36
Д33

**Қазақстан Республикасының Байланыс
жөне ақпарат министрлігі Ақпарат
жөне мұрагат комитеті «Әдебиеттің
әлеуметтік маңызды түрлерін басып
шығару» бағдарламасы бойынша
шығарылды!**

**Қазақстан мұсылмандары діни басқармасының
сараптау комиссиясы мақұлдаған**

ДЕРБІСӘЛІ Әбсаттар
Д 33 Ұлық Имам - Имам Ағзам Әбу Ханифа, - Алматы, 2011. - 52 бет

ISBN 978-601-80187-3-2

Қолыңыздагы кітапшада Ислам дініндегі төрт мәзһабтың ең ірісі болған Ханафілік жолдың негізін қалаган ірі ғұлама Әбу Ханифа ән-Нұғман ибн Сәбиттің (р.а.) өмір жолы жайлы сыр шертіледі.

Кітапша қалың оқырманға арналған.

УДК 28
ББК 86.36

ISBN 978-601-80187-3-2

© «Ислам мәдениеті мен білімін қолдау қоры», 2011

**Қазақстан мұсылмандар діни
басқармасының торагасы, бас мұфти
ӘБСАТТАР ҚАЖЫ ДЕРБІСӘЛІ**

Ұлық имам – Имам Ағзам Әбу Ханифа

Сәлімгерей кәсіпкерлікпен айналысып фирма ашты. Бірте-бірте ісі алға басып, біраз қор жинапты. Имандылықты ту етті. Адал жүріп, адап тірлік еткеннің пайдалы екенін түсінген ол өзі ғана емес, үлдарын да ата дініне бет бұргызды. Әсіресе, үлкен баласымен апта сайын жұма намазынан қалмайды. Сөйтіп жүріп қасиетті Мекке мен Мәдинаға перзентін ертіп қажылыққа баруды жоспарлады. Ол ойы да орындалып, дініміздің отанына барудың сәті түсті.

Меккедегі бас мешітте бір мезгілде бір миллион адам намазға тұрады еken. Әлемнің тұкпір-тұкпірінен жиналған мұсылмандар бір атаның балаларындай бір сапқа тұрып, сәждеге жығылуда. Гибадат соңында Арман экесінен:

– Эке, намаз кезінде діни амалдарды әркім әртүрлі орындан жатқанын байқадым. Біреуі қолын кіндіктен тәмен байласа, енді бірі қеудесіне қояды. Аяқтарын да талтитып тұрады. Біздің елде діни амалдар бұлай әртүрлі атқарылмайды, бірдей ғой, неге олай,- деді.

– Балам, жаһанның куллі мұсылмандарының 84% сұнниттер. Бұл – Исламдағы басты бағыт. Ал енді сұнниттердің өзі 4 мазғабқа бөлінеді. Біз ұлық имам – имам Ағзам Әбу Ханифа мазғабындамыз. Сол себепті де діни амалдарымызда алшақтық жок, – деді экесі.

– Эке, мәзһаб деген не? – деді Арман бұрын ести бермеген сөзге түсінбей.

Сәлімгерей әңгімесін әріден бастан түсіндіруге кірісті.

Әбу Ханифа мәзһабы, мәні мен маңызы

Ислам – он төрт ғасырдан бері бүкіл адамзатты сенімі мен нанымына, тегі мен иәсіліне қарамай бейбітшілік пен ынтымакқа, сабырлылық пен тазалыққа шақырып келе жатқан Алла тағаланың бірегей діні. Тарих сахнасына кетерілгеннен бері, өмірдің өзі көрсеткендей, Ислам дінінің ғылым–білім мен өркениеттің сарқылмас кәусар бұлағы скендерінде олардың майдандардағы жағдайларынан көрсеткендегін атап сөздегін айтады.

Ислам әлемге тек қана Орта Азияның өзінси Әбу Насыр әл-Фараби (870–950), Әбу Әли Ибн Сина (980–1037), Әбу Райхан әл-Бируни (973–1050), Ұлықбек (1394–1449), Мұхаммед Зәнир ад-Дин Бабыр (1483–1530) мен Мұхаммед Хайдар Дулати (1499–1551) секілді кеменгер ғұламалар мен көрнекті мемлекет қайраткерлерін берді. Олар ғылымның көптеген саласына жол ашты.

Ислам дінінің қазақ даласына келгеніне он екі ғасырдан аса уақыт өтті. Содан бері халқымыз атақты ислам ғұламасы, фиқітың (мұсылман заңы) білгірі Нұғман ибн Сәбит (р.а.) (699–767) негізін қалаған Ханафи мәзһабын (діни құқықтық мектеп) ұстанып келеді. Осы орайда, әуелі фикір пен мәзһабтың ерекшеліктеріне тоқтала кетейік.

Мәзһаб – жол, бағыт, көзқарас деген мағынаны білдіреді. Шаригатта – арнайы тәсілдер, ережелер арқылы Құран мен сұннэтten шығарылған үкімдер мен көзқарастар жынытығына «мәзһаб» делінеді. Шаригат

үкімдерінің кайнар кезі болып табылатын Құран және хадистің әрбір сөзінің бірнеше астарлы, терең мағыналары, тұсу себептері, тіпті кейбір себептерге байланысты хадистердің бір-біріне қарама-қайшы келетін, яки бір қарағанда қарама-қайшы сияқты көрінетін жерлері де бар. Және хадистердің «сахих лизәтини», «сахих лигайрини», «хасан лизәтини», «хасан лигайрини», «әлсіз», «жалған» «мутауатир», «ахад», «мәшиүр», «гариб» сияқты қуаттылық жағынан үкім шығаруда үлкен әсерлі дәрежелері бар. Құран аяттары мен пайғамбарымыздың астары терең қасиетті хадистерін жалпы халықты былай қойғанда, араб тілін жетік білетін мамандардың өзі ара жігін ажыратып, пәтуа шығаруы мүмкін емес. Белгілі мәселеде пәтуа шығаратын адам алдымен мындаған хадистерді саралап, барлық Құран аяттарына мұхият көз жүгіртіп шығуы туіс. Мұнымен қоса сол мәселедегі әз сахабалардың айтқан сөздері мен берген пәтуаларын әрі кейінгі келген мұжтацид ғұламалар мен замандас ғалымдардың көзқарастарын және жергілікті халықтың менталитеті мен жағдайын жақсы білуі кажет. Бұларды кез-келген қарапайым адам тереңнен талдап, аражігін ажыратып, шариги үкім шығара алмайтындықтан Эбу Ханифа сияқты Құран ілімімен қоса хадис ілімін, мантық-қысын, фикір негіздерін, т.б. ислами ілімдерді жетік білген мұжтәһидтің шығарған үкімдерімен жүргуге мұқтаж. Өз бетінше әрекет етуші жолдан адасуы әбден мүмкін.

Исламның алғашқы дәуірінде мұсылмандар арасында діни қайшылықтар тумады. Өйткені, хазіреті Мұхаммед (с.ғ.с.) пайғамбарымыз қасиетті Құран және өзінің даналығымен мәселенің шешімін айтып, дер кезінде алауызықтың алдын ала білді.

Бұл туралы Алла тағала мұсылман үмметін: «Ей, иман келтіргендер! Аллага, пайғамбарға және оз араларындағы ұлықтарыңа бойсұныңдар. Егер өзара бір нәрсеге келісе алмасаңдар, оның жайын Алладан, пайғамбардан сұрандар. Аллага, қиямет күніне сенетіндерің рас болса, бұл сендер үшін қайырлы әрі тиімді» («Ниса» сұресі, 59-аят), – деп ескертеді.

Шаригаттың негізгі мәселелері Құран мен хадисте камтылған. Сондықтан хазіреті Мұхаммед пайғамбарымыз (с.ғ.с.) ислам қауымына: «Ей, мұсылмандар! Мен сендерге екі нәрсені қалдырып барамыш. Егер оларды бекем ұстап, амал етсендер, ешқашан адаспайсындар. Олар – Алланың кітабы (Құран Кәрім) және Алла елшісінің сұннеті», – деген.

Уақыт өте мұсылмандардың саны көбейе түсті, жаңа мәселелер туындағы бастиады. Өйткені, өмір мен тіршілік үнемі өзгеріп, өркендең, жаңарып, дамып отырады. Бұндай жағдайда, сахабалар өз білімдеріне сүйеніп, шаригат шенберінде ол мәселелерді шешіп отырды.

Мысалы, Әбу Бәкір (р.а.) өзінің халифалық кезінде бір мәселеге байланысты шешім шығарар алдында Құран аяттарына сүйенген, ол мәселенің жауабын аяттардан таба алмай қалған жағдайда, хадистерден іздеген. Ол жерден де таба алмаса, білімді де беделді сахабалардың басын қосып, олармен сол мәселелер туралы кенесіп, ойларын тыңдалап, содан кейін ғана шешім қабылдайтын.

Кейінірек Ислам діні өзге халықтар, ұлыстар арасына тарапалды. Олар араб тілін де, дінін де білмейтін. Діни үгіт – насиҳат пен тағылым істерін оларға жеткізу сахабалар үшін оңай емес-тін. Бұл ретте

секілді ислам ғұламаларының мәзһабтары дүниесе келді.

Бұлар ислам әлеміндегі ресми мәзһаб саналып, 1300 жылдан бері өз ұстанымдары бойынша амалдарын жүргізуде. Ол мәзһаб ислерінің әрқайсысы мұжтаһид (білгір) ғалымдар еді. Солардың бірінсі мойынсұну арқылы осы заманға дейінгі әртүрлі қайшылықтардың жолы кесіліп, алды алынып келеді. Сондыктан бұл төрт мәзһабтың бірін ұстану қазіргі заман талабы да. Өйткені, олар Құран кәрім мен сұннет жолына лайық болғандықтан «әңлус-сұнна уәл-жамага», яғни хазіреті Мұхаммед (с.ғ.с.) пайғамбарымыздың сұннет жолын ұстанып, көпшіліктен бөлінбей, бірлік-ынтымакты жактаушы қауым мәзһабтары атанды.

Мазһабтардағы айырмашылықтар тек аbzал және дұрыс деген сөздеғана. Яғни, біз өз мәзһабымызды аbzал санаймыз да, ал қалған үш мәзһабты дұрыс деп білеміз. Тек біздің мәзһаб дұрыс, қалған үшеуі бұрыс деу адасуышылық болып есептеледі.

Соның ішінде біздің Ханафи мазһабымыз тұла бойы адамгершілік пен бүкіл адамзатқа ортақ асыл құндылықтарға бай. Бұл күндері әлем халқының төрттен бірі мұсылман болса, солардың 48% осы мазһабта. Қалған 52% үш мазһаб пен өзге де ағымдарға тиесілі.

Имам Малик мазһабын Африканың бірқатар елі, Имам Шафидің мазһабын Мысыр, Сирия, Малайзия, Индонезия, ал Ахмад ибн Ханбал мазһабын Парсы шығанағы аймағындағы халықтар ұстанады. Эбү Ханифа мазһабы негізінен Үндістан, Пәкістан, Ауганстан Түркия, Ресей, Кавказ, Орта Азия мен Қазақстан жүртүнә кеңінен тараған.

Осы төрт мазһаб ішіндегі жұмсағы әрі халқымыздың жүргегі мен табигатына, әдет – ғұрпына жақыны, бабаларымыз ежелден тандаған Әбу Ханифа – Имам Ағзам мазһабы. Исламдағы бір мазһабта болудың артықшылығы – халық біртұтас, ынтымағы мен бірлігі күшті, ұйымшыл болады. Орта Азия мен Қазақстанда қанша ғасырлардан бері діни алауыздықтың болмай, ұрыс-керіс, дау жанжалдан іргесін аулақ салуының да бірден-бір сыры осында. Өйткені, құлшылық амалдарының бір болуы ондай жат піғылдың тууынға жол бермейді.

Әбу Ханифа мазһабы өзге діни мектептермен салыстырғанда өз жамағатына көп женілдік беруімен әрі демократиялығымен де ерекшеленеді. Біздің жартылай көшпелі халқымыздың бұл мазһабты қабылдауының тағы бір себебі – өз дүниетанымы, болмысы мен діліне оның тонның ішкі бауындай жақындығында.

Қазақстан мұсылмандары діни басқармасы мен оның карауындағы бүкіл мешіттер Әбу Ханифа мазһабы бойынша шаригат ұстанып, соған орай амал етеді. Бұл ел бірлігі мен ынтымағын, достығы мен ұйымшылдығын сақтап, оны одан әрі күшайте түсуге қызмет ету деген сөз.

Ханафи мазһабының негізін қалап, оны нығайту жолындағы фикір ғұламаларының жасаған қызметін дін ғұламалары былай баяндайды: «Фиқъ ілімінің дәнін Абдулла ибн Мәсъуд (р.а.) екіті, Имам Әлқама өніп шыққан егінді суарды, Ибраһим ән-Нағашы піскен астықты жинады, Әбу Ханифа оны дайрменге тартты, Имам Әбу Юсуф ұннан қамыр жасады, Имам Мұхаммед нан пісірді. Міне, барлық халық осы

күнгө дейін Имам Аззам дайындаған ұншап жасалған наанды жеп келеді».

Негізіндес «Фиқір» сөзі «стрем, жан-жақты түсіну» деген мағынаны білдіреді. Фиқір пәні ғибадат, қоғамдағы озара қарым-қатынас, әдет-ғұрыптардың шаригатқа сәйкес тәртіп қагыдалары мен оның қайнар көзін үйретеді. Бұл салапың мамашын фәқір (мұсылман заңгері) деп атайды.

Оли иби Эбу Талиб (600-661) мен Абдулла ибн Масъуд (р.а.) (590-653) Куфа қаласында шаригат жопінде білім беретін орталық құрып, Құран кәрім мен сұннет бойынша тәлім-тәрбие істерін жүргізген алғашкы сахабалар еді. Кейінірек бұл білім ордасын шаригат ілімінің ғалымы, ұлық сахаба Абдулла ибн Масъуд (р.а.) басқарып қалады. Ол туралы хазіреті Мұхаммед (с.ғ.с.) пайғамбарымыз: «*Ибн Масъудтың айтқандарын бұлжыстырай орындаңдар*», – деген. Бұл кісі Куфада Құран Кәрім мен хадис шәріптен сабак беріп, шаригат ғылымының мамандарын дайындады.

Олардың бірі – Элқама ибн Кайс (р.а.). Ол – Омар, Эли, Эбу Дәрда (?-652), Айша, Саъд, Хузайфа, Халид, ибн Масъуд және басқа да сахабалардан (р.а.) дәріс тыңдаған әрі хадис риуаят еткен сахаба. Абдулла ибн Масъуд (р.а.): «*Мениң білімім Элқаманың білімінен артық емес*», – деген екен..

Абдулла ибн Масъуд (р.а.) дүниес салғаннан кейін, Элқама ұстаз болып қалды. Бұдан кейін білім ордасын «Фәқір ал-Ирақи», яғни «Ирақтың шаригат ілімінің маманы» деген атақка ие болған Ибраһим эн-Наһаъи басқарды. Ол кісіден кейін Хаммад ибн Сүлеймен (р.а.) Куфаның үлкен ұстазы саналды. Одан соң бұл орынды имамдар сарбазы Эбу Ханифа эн-Нұғман ибн Сәбит (р.а.) иеленді.

Имам Ағзамнан (р.а.) кейін бұл жолды оның шәкірттері – ұстаз Әбу Юсуф пен имам Мұхаммед үстанды. Олар ұстазының шығарған пәтуаларын хатқа түсіріп, халыққа насихаттаған. Осы кісілер арқылы Ханафи мазһабы жер жүзіне тарады әрі фикір саласы кемесліне жете дамыды.

Әбу Ханифа. Ғибратты өмір өрнектері

Имам Ағзамның ата-бабалары Әмудария өзені жағалауындағы Тирмиз бен Хорасанда ертеректе болған Наса қалаларында өмір сүрген. Олар парсы әүлетінен еді. Әйтсе де, кейбір деректерде оның түркі текті екені жайлы да айтылады. Ұлық төрт халифа кезінде Ислам діні парсы елдеріне тарай бастады. Исламға карсы шығып, тұтқынға алынған дінсіздер ішінде Әбу Ханифаның бабасы да болған деседі. Кейінрек ол Исламның шынайы дін екенін түсініп, мұсылман болады. Сол себепті ол тұтқыннан босатылып, үйіне жіберіледі.

Отбасына аман-есен оралған бабасы Исламды тереңін түсініп, балаларын да Исламға сәйкес тәрбиелейді, болашактағы ұрпағының барлығы Исламның ак жолында дүниеге келулерін тілейді.

Хазіреті Әли ибн Әбу Талибтің (р.а) халифалық кезінде олар Хорасаннан Куфа қаласына қоныс аударады. Бабасы ұлы Сәбитті хазіреті Әлидің (р.а) қасына ертіп барып, бата сұрайды. Хазіреті Әли (р.а): «*Алла тағала балаңызға және оның болашақ ұрпақтарына мол береке берсін*», – деп дұға етеді. Атасының тілегі мен халифаның дұғасы кабыл болып, ұрпағынан иманды да, тақуалы ғалым Әбу Ханифа дүниеге келеді.

Әбу Ханифаның экесі Сәбит те өте тақуа адам болған. Ел арасында ол туралы ғибратты әрі жұртқа таныс төмендегі оқиға жій айтылады: «Әбу Ханифаның экесі Сәбиттің жас жігіт кезі еді. Бірде дәрет алып, сұлғімен бет-аузын сұртіп тұрганда, арықта ағып келе жатқан алмата көзі түседі. Алманың әдемі түсі коз тартатын. Сәбит шыдамай, алманы алып бір тістейді. Сонан соң ол: «Не істеп қойдым? Алманың иесі бар шыгар? Оны тауып, дерек ризашылығын сұрайын», – деп, өзен бойымен жоғары қарай алманың иесін іздеуге шығады.

Содан ол үлкен баудың ішіне кіреді. «Жеген алмам осы баудан шыгар», – деп, Сәбит бау иесіне барып, оған: «Ассәләму әлейкум! Ойламай бақшаңыздың бір алмасын жеп қойдым. Мүмкін болса, кешірім етсеңіз», – дейді.

Жігіттің ақылдылығы мен имандылығын байқаған бағбан әдейі: «Разы емеспін», – деп дөрекілеу жауап қайырады. Бұл сөз Сәбитке ауыр тиеді. Ол бағбанның аяғына жығылып, оған: «Кешіріңіз! Жеген алманың ақысын төлейін немесе қызметінізді істейін», – деп жалбарынады. Сонда бағбан: «Онда былай. Үш жыл қызметімді істейсің. Сонан кейін аргысын көре жатамыз», – деп жігітке шарт қояды. Амал жок, Сәбит шартқа көнеді. Өйткені, ақырет есебі мен кісі ақысынан қорқатын.

Ол үш жыл бойы бағбанның үйінде адап қызмет етеді. Мерзімі біткеннен соң, кетуге рұқсат сұрайды. Бағбан оған: «Мен саган уш жыл өтсе, аргысын тағы көрерміз деп едім. Сондықтан, менің тағы бір кішкене шартым қалды. Соны орындасаң, сөзім сөз, сенен разы болып, рұқсатымды беремін», – дейді. Сәбит көнеді. Бағбан оған: «Мениң бір қызыым бар. Көзі көрмейді, құлагы естімейді, қол – аяғы сал әрі

мылқау. Соған үйленесің. Соңғы шартым осы», – дейді. Жігіт бұған да көнеді.

Кыз бен жігіттің некелері қызылып, тойы өтеді. Жігіт шымылдыққа кірген соң, көзі де көретін, құлағы да еститін, қол-аяғы да сап-сау қызды көреді. Қыздың әкесіне барып, оның сырын сұрайды. Әкесі айтқан сөздерінің себебін былай түсіндіреді: «*Қызым ұят нәрселерге қарамайды, сол үшін ол көр; ұят әрі балагат сөздерді естімейді, сол үшін ол керен; тыйым салынған нәрсеге қол созбайды және бұзық жерлерге бармайды, сол үшін оның қол-аяғы сал; жаман сөз сөйлемейді, сол үшін ол мылқау. Қызымды сен сияқты құдайышыл, иман жүзді жігітке берсем, ол Алладан қорқатын, біреудің ақысын жемейтін таза адам болып, туган немерелірім де Ислам тағлымдарына сәйкес өмір сүрсе деген арманым бар еді. Алла маган сені жеткізді. Бір көргенде-ақ сениң адап екеніңді байқадым. Сонда да сынап бақсам артықтық етпес деп ойладым. Сен мен ойлагандай бол шықтың. Бұдан былай ерлі-зайыпты болып, бірге тату-тәтті өмір сүріп, бақытты болыңдар», – деп батасын береді. Міне, осындай пәк, тақуа, текті отбасында әлемге әйгілі ғалым Имам Ағзам дүниеге келеді» [3, 65-67].*

Имам Ағзам Әбу Ханифа ән-Нұғман ибн Сәбит (р.а.) Ирактың Куфа қаласында үмәүйлік халифат тұсында (699 жылы) дүниеге келген.

Азан шақырып қойылған аты ән-Нұғман болғанымен, халық оны Әбу Ханифа немесе Имам Ағзам деп атайды. Өйткені, ислам әдебі бойынша үлкен ғалым адамдардың аттары аталмайды. Олар хазірет, ұстаз сияқты құрметті сөздермен тілге алынады.

«Әбу Ханифа» (Ханифандың әкесі) оның шын есімі емес, өйткені, оның Ханифа атты перзенті болмаған. (Имам Ағзамың Хаммад есімді жалғыз ұлы болған. Хаммадтаң екі ұл қалады, біреуінің есімі – Омар, ал екіншісі – Исаил). Фалымдардың айтуыша, «ханифа» – матһабтың сипаты болып, ол «хақ, тұра жол» деген мағынаны білдіреді. «Әбу» сезінің түп мағынасы «әке» болғанымен, сонымен катар оның «иесі, өкілі, басшысы, жетекшісі» деген баламалары да бар. Сонда, «Әбу Ханифа» деген сөздің мағынасы «хақ жолдың бастаушысы, тұра жолдың жетекшісі» дегенге саяды.

Әу бастан адамзатқа түсірілген, адам табигатына ең лайық, нағыз тәұхид дін – ол ханиф дін. Құранда Алла тағала: «Ендеше, (Ей, Мұхаммед) бетінді ханиф (тура, шынайы) дінге бұр. Адамдарды Алла әубаста сол дін үшін жаратқан. Құдай жаратқанды өзгерту мүмкін емес. Сенің дінің хақ дін, тек көп адам соны білмейді», –дейді («Рұм» сүресі, 30-аят).

Ханиф сөзі «ислам» ұғымында да колданылады. Сахабалар: «Алла қандай дінді қабыл етеді?», – деп сұрағанда, пайғамбарымыз (с.ғ.с.): «Ханиф (Ислам) дінін», – деп жауап берген. Басқа бір хадисте: «Алла барлық пәнделерін ханиф (дінге, таухидке бейім) етіп жаратты», – делінген.

Құран Кәрімде Алла тағала: «Ибраһим яһуди де, христиан да болған емес, ол ханиф (нағыз) мұсылмаш болған. Коп құдайшылдар қатарында да болмаған», –деген («Әли Ғимран» сүресі, 67-аят). Ия барлық әлемдік дәстүрлі діндер ханиф – тұп-тура дін болған. Бұл дін – адам табигатына жеңіл келіп, жүрекке жылы тиген, жанын рахатка бөлеп, бейбітшілік бесігінде тербеткен қеңпейілділік діні. Имам Ағзамың көзқарастары басқа фалымдарға

Ханифа әуелде мешітке тек құнделікті бес уақыт намаз оқу үшін ғана барып тұрды.

Бірде ол сол дәуірдің атақты ғалымы Шағбиге (р.а.) кездесіп қалады. Шағби одан: «Қайда барасың, інім?» – деп сұрайды. Ол заманда адамдар тек ілімді ойлап, табыс табу, бала-шага бағу, үлі-жайлы болу секілді дүние тіршіліктерін скінші орынға қоятын. Сұрақ төркінін түсінген Эбу Ханифа дәрісханаларға барып, жүйелісабақалып жүргемегендігінен, «Базарға», – деп, ұяла жауап береді. Өйткені, осы уақытқа дейін оның мақсаты да, кәсібі де сауда болып келген-ді, ал сабакқа деген қызығушылығы шамалы еді.

Әбу Ханифаның бойындағы асыл қасиеттерді, оның ақылдылығын, зеректігін, шешендігін және ойының ояулылығын байқаған Шағби (р.а.) бұл жігіттің былай жүргеніне іштей қынжылады. Әбу Ханифаның болашакта үлкен ғалым болатынын іштей сезген Шағби (р.а.) оған: «Уақытыңды бос өткізбей, ғалымдардың дәрісханаларына қатысып, сабақ оқы», – деп ақылдын айтады. Шынайы сөз Әбу Ханифаның жүргегіне жетеді. Сол күннен бастап ол барлық уақыты мен күш-жігерін ғылым-білімге салады. Ол кезде Әбу Ханифа жиырма екіде ғана еді [4, 15].

Ол жылдары Куфадағы оқу-ағарту істеріне Хаммад ибн Сүлеймен (р.а.) жетекшілік ететін. Әбу Ханифа хадис пен фикір ілімін сол заманың ең атақты ғалымдары – Шағби және Хаммад сияқты ғұламалардан үйренді. Куфада хадис ұстаздары, араб тілі мен әдебиеті мамандары, шарифат ғалымдары жеткілікті болатын.

Иbn Шуғаб аз-Заһри: «Әлемде беделді ғұламалар төртеу. Олар: Мәдинада ибн әл-Мусәйб, Куфада Шағби, Басрада Хасан әл-Басри (642–728), Шамда

Мәкхул (р.а.)», – деп сол кездің ен үлкен ғалымдарын атайды.

Шағби (р.а.) бес жұзге тарта сахабалармен кездесіп, олардан білім алған. Омар ибн Әбдул Әзиздің (р.а.) халифалық тұсында Куфа қаласында қазылық қызмет етіп, 87 жасында дүниеден өткен. Оның қайтыс болғанын естіген Хасан әл-Басри: «Шағби Исламда өзінің ерекше орны бар нар тұлғалы адам еді. Алла тағала оны өз мейіріміне бөлесін», – деп дұға еткен.

Әбу Ханифа өмірінде төрт сахабамен кездескен. Олар: Әнас ибн Малик, Абдулла ибн Әбу Ауға, Сәһл ибн Саъд және Әбу Туфайл. Сахабаны көрген адам «табигин» деп аталады. Дегенмен, «табигин» сөзінің анықтamasы жөнінде екі түрлі көзқарас бар. Біріншісінде: «табигин – сахабаның көзін көрген адам», – делінсе, ал екіншісі: «табигин – сахабаны көріп, одан білім үйренген адам», – деген пікірді алға тартады.

Әбу Ханифа ұстазы Хаммадтың (р.а.) қолында жүйелі түрде 18 жыл оқыған. Ұстазы дүниеден өткенге дейін, одан ажырамаган. Өйткені, ол ұстазын жақсы көріп, оның асыл қасиеттерін, даналығын, парасаттылығын, такуалығын, әсіресе кеңпейілділігі мен жомарттылығын өзіне үлгі тұтқан.

Хаммад бай болғанымен, мал-мұлкін туған-тысқандарына, жетім-жесірлерге және шәкірттеріне жұмсайды екен. Бұл жайлы: «Хаммад ғұламалар ішінде ең жомарты еді, жылда келетін қасиетті рамазан айында күнде 500 адамға ауызашар беретін, жағдайы нашар шәкірттеріне ақшалай қомектесіп тұратын еді», – деп риуаят етіледі.

Хаммад ибн Сүлеймен (р.а.) дүние салғаннан соң, оның ісі баласы Исмаилга тиді. Жұрт та

оның бойынан әкесінің ілімі мен асыл бейнесін көргісі келді. Өкінішке орай, Исмаил бірақ халық көңілінен шыға алмады. Сол себепті ұстазының оку-агартушылық істерін әрі қарай жандандырып, дамытуды шәкірті Әбу Ханифа мойнына алды. Халықтың қалағаны да сол болатын. Ол кезде оның жасы қырықта еді.

Әбу Ханифаның есімі мен білімі кеңінен тарай бастайды. Оған жер-жерлерден білім алу мақсатымен мындаған талабалар келіп жатты. Оның дәрісханасы Куфадағы ең үлкен, әрі берекелі білім ошағына айналды. Шәкірттердің ғылыми сұхбаттары мен куанышты үндере мешіт сыртынан да естіліп тұратын.

Әбу Ханифа ақылды, өткір, парасатты кемел ой иесі еді. Осы ерекшелігімен ол тез арада өз дәуірінің ең ұлы ғалымдарының біріне айналды. Ол— ислам фикірінің үлкен мұжтаһид ғалымы болды. Құран кәрім және сұннеттен басқа нақты дәлел ретінде ол сахабалардың, табиғиндердің алқалы пікірін, сондай-ақ қияс (салыстыру), истихсан (дұрыс санау, жақсы деп білу) және ғұрып-дәстүр сияқты фикір қағидаларын пайдалана отырып, шаригат шенберінде үкімдер шығара білді.

Әбу Юсуф (р.а.) ұстазын: «*Бет пішіні және дене бітімі жөнінен ол әдемі еді. Сөзге оте шешен, дәлел келтіруге оте ұста, тілі жұмысқ болатын. Дәрісіне қатысқан кез-келген адам оның ілім үйрету әдісінен ләззат алатын. Ол шәкірттерінің шаригат мәселелерін терең түсінетін ғалым болуларына көп көңіл бөлді. Оларга жұмысаган күш-қайраты соншалық, ол кісіден дәріс алған кез-келген адамның әйгілі ғалым болуы оңай еді*»,—деп еске алады.

Имам Ағзам тұні бойы гибадат етіп, күндіз ораза тұтатын, тілін жалған сөзден сактап, тәнін пәк ұстайтын, жағымсыз іс-әрекет пен ойын-сауықтан аулақ жүретін, Алла тағаланың разылығын табуды өзіне парыз санайтын. Имам Ағзамның имандылығы мен тақуалығы, білімділігі мен парасаттылығы туралы Имам Шафиғи (р.а.): «Адамдар фиқъ ғылымында Әбу Ханифага қарыздар. Кімде-кім Әбу Ханифаның кітаптарын оқымаса, ғылымга бойламаганы және фиқъ ғалымы болмаганы», –дейді.

Ол тақуа, білімді және парасаттылығынан да харам істерге жоламайтын, күмәнді нәрсеге де қол сұқпайтын өте сақ адам болатын. Сондықтан, оның уағызы әрбір тындаушы жүргегіне жететін. Оны төмендегі әнгімеден білуге болады:

«Имам Ағзам Куфандың орталық мешітінде жұма күні уағыз айтатын. Бір күні жұмадан соң оған бір құл келіп: «Ұстаз, сізден өтініш. Құлды азат етудің артықшылығы мен сауабы туралы да уағыз айтыңызшы. Мүмкін қожамның көңілі жібіп, мені азат етер», –дейді. Әбу Ханифа: «Жарайды, сен айтқаныңдай болсын», –деп жауап береді. (Ол кез құлдық заманы болатын).

Келесі жұма да жетті. Бірақ, Имам Ағзам уағызын баска тақырыпқа арнайды. Тагы бір жұма өтеді. Құлдың өтініші тағы орындалмай қалады. Үшінші жұмада Имам Ағзам құлды азат ету және оның мән-манызы мен артықшылығы туралы тартымды да әсерлі уағыз айтады.

Жұмадан соң әлгі құлдың қожасы келіп: «Ұстаз күә болыңыз. Алла разылығы үшін құлымды азат еттім», –дейді. Әбу Ханифа: «Алла сізден разы болып, істеген ізгі амалыңызды сауаптан жаззгай», – деп бата береді.

Бостандық алған құл Имам Ағзамға рахметін айтып, одан: «Ұстаз, бір сұрағым бар. Екі апта бұрын айтқан өтінішімді неге бүгін гана орындағысыз», – деп сұрайды. Әбу Ханифа: «Ол күні құл азат етуге жететін ақшам жсоқ еді. Сол үшін екі апта бойы жұмыс істеп, ақша жинадым. Базардан құл сатып алып, оны азат еттім. Содан рухани жеңілдік пен әлдеқандай рахатты сезіндім. Бұл амалды өзім істемей тұрып басқага бұйырганымда, оның ешқандай әсері болмас еді, қожсау да саған азаттық бермес еді», – деген екен [3, 104].

Әбу Ханифа – ұлық имам, мәшінүр ғалым

Ия, ол жайлы пікір білдірген замандастары мен оны өзіне ұстаз санаған немесе ғалым, білімге қол созғандардың барлығы да Әбу Ханифаның өз заманының озық ғалым болғандығын мойындейды.

Әбу Жағфар ар-Рази (р.а.): «Мен Әбу Ханифадан артық ғалым әрі тақуа адамды кезіктірmedім», – десе, Жағфар ибн Раийф (р.а.): «Мен Әбу Ханифамен бес жыл бірге тұрдым. Одан аз сөзді жанды көрmedім. Ал одан бір-ақ нарсе жайлы сұраса, ол ашылып, сел тәрізді ағылар еді», – деп еске алады.

Ал, Йазид (р.а.): «Тақуалық пен ақыл-парасаттылықта Әбу Ханифага (р.а) тең келетін адамды көрmedім», – десе, Әбу Асим Нубэйл (р.а.): «Әбу Ханифа (р.а.) намазды қадалып көп оқығандығы үшін, көпшілік оны «қазық» деп атап кеткен», – дейді.

Уакиъ (р.а.): «Әбу Ханифа (р.а.) аманатқа өте адап, аса ұлық Алла тағаланың есімін жүргегінің түкпірінде сақтайтын. Сондықтан да ол кез-келген жағдайда Алла разылығын бірінші орынга қоятын.

Алла тағала үшін қылыш азабын көруге де дайын еді», –дейді.

Мәккий (р.а.): «Күфалықтармен бірге болдым, арапарынан Эбү Ханифадан (р.а.) өткен тақуаны көрmedім», – деп еске алады.

Яхъя әл-Қатъан (р.а.): «Эбү Ханифаның (р.а.) жүзіне қарап, Алланың шынайы пендесі екенін байқадым», – десе, Абдулла ибн Мұбарак (р.а.) Суфъян Сауриға (р.а.): «Ей, Эбү Абдулла, Эбү Ханифаның гайбат айтуына қандай іс тосқауыл болды екен, бір рет те гайбат айтқанын көрмəдім», – деді.

Сонда Суфъян (р.а.): «Эбү Ханифа (р.а.) дана кісі, өзінің жақсы амалдарын жоятын іс-әрекетті ешқашан жасамайтын», – деген екен.

Ибн Мұбарак (р.а.): «Эбү Ханифаны (р.а.) еске алып: «Бұл кісі туралы не деуге болады? Оған мансап пен байлықты ұсынғанда, ол одан бас тартады, дүрелесе де бетінен қайтпайды. Басқалар отырған таққа ол азаптасаң да отырмайтын», – дейді.

Хасан ибн Салих (р.а.): «Эбү Ханифа (р.а.) аса тақуалығына байланысты харам істерге жоламайтын, күмәнді нәрсеге де қол сұқпайтын, ол кісідегі өзіне, біліміне өте сақ адамды көрmedім», – деген.

Сәһл ибн Мадхим (р.а.): «Эбү Ханифаның (р.а.) үйіне кіріп едік, үйінен бүйрадан (қамыстан жасалған төсөніш) басқа ештеме көрmedік», – дейді.

Мұжалид (р.а.): «Мен халифа Һарун әр-Рашидтың (786–809) алдында отыр едім, ол жерге имам Эбү Юсуф (р.а.) келді. Оған халифа: «Маган Эбү Ханифаның (р.а.) ахлагы (мінез-құлқы) туралы айтып беріңіз», – деп өтініш жасады.

Сонда ол: «Әбу Ханифа (р.а.) шаригаттыйым салған істерге жоламайтын, дүниекорлықтан алыс, көбінесе үнсіз жүретін, әрдайым өз пікірін дәлелдей алатын, өзойынан айнымайтын, бос сөз сөйлемейтін, сұралған мәселені білсе, нақты жауап беретін адам еді. Ей, мүміндердің әміршісі! Мен ол кісінің барлық нәрседен өз нәпсісін тыя алатындығын көрдім, барлық адам туралы жақсы соз гана айтатын», – дейді. Сонда Һарун әр-Рашид : «Бұл ұлылықтың белгісі», – деген екен.

Фузайл ибн Ийаз (р.а.): «Әбу Ханифа (р.а.) фиқъ галымы, тақуалығымен ардақты, келгендерге тапқанын беретін жомарт, күндіз-түні дәріс беруден жалықпайтын, түнді гибадатпен откізетін, аз сөзді, егер бір халал-харам мәселесі туралы айту керек болса, ақиқатына көз жеткізіп түсіндіретін», – деген екен.

Қази Шурак (р.а.): «Әбу Ханифа (р.а.) фиқыты терең мен қерген, әр ісі көңілге қонымыды, шәкірттерге білім беруде аса шыдамды, шәкірт білім алып болғанша оған жсан–жақты көмек көрсететін адам еді. Шәкірті оқуды бітірсе, оған: «Сен енді халал мен харамды, дұрыс пен бұрысты ажыратта алатын, таусылмас үлкен байлыққа жеттің», – дейтін. Ұстаздары мен құрметті адамдар алдында көп сейлемейтін», – дейді.

Бірде халифа түсінде Әзірейілді көреді. Одан: «Мениң қанша өмірім қалды», – деп сұрайды ол. Перште алақанын ашып, бес саусағын көрсетеді. Халифа содан корқып оянады. Әбу Ханифаны шақыртып, одан түсін жоруды сұрайды. Имам Ағзам оған: «Бес саусак – Алладан басқа ешкім білмейтін бес гайып нәрсе : 1) кияметтің қашан болатыны, 2) жауын, дауыл, сел, жел сияқты табиғат құбылыстарының

сыры, 3) туылатын нәрестенің дүниеде бақытты немесе бақытсыз, кедей немесе бай болуы, 4) ертең қандай күн туатыны. Қасиетті Құранның ғайыпқа жататын бес нәрсесі «Лұжман» сүресінің соңғы аятында айтылған 5 ғайыптың төртіншісі жайлы онда «Ешкім ертең не істеп, не табатының білмейді (куна мә, сауап па?)» делінеді. 5) адам баласының қашан және кай жерде өлеңтін ягни барлығы құдіретті бір Алла ғана билетін нәрселер»,—деп халифаны тыныштандырган екен [1, 45].

Имам Зуфар (р.а.): «Мен Әбу Ханифамен (р.а.) жиырма жылдай бірге болым. Өмірімде ол кісіден артық мейірімді, жомарт кісіні көрмедім. Құдай үшін өзін аямайтын, күні бойы біліммен шұғылданып, тағым беретін, түрлі мәселелерді талқылап жауабын айтатын, гылыми мәжілістерден қолы босасымен сырқаттардың көңілін сұрауга баратын, жаназагақатысатынненемесебірбейшараның қажеті үшін уақытын жұмысайтын немесе достарының халжагдайын білетін. Ал, түнді гибадаттармен, намаз, Құран кәрім оқумен өткізетін. Бұл амалдарды дүниеден қайтқанша үстанды»,—деп еске алады.

Абдулла ибн Мұбарәк (р.а.): «Имам деген атқа Әбу Ханифадан артық лайық кісі жоқ. Өйткені, ол өте тақуда галым еді. Ол көрегендігі, қабілеттілігі, парасаттылығы арқасында фиқъ іліміне жол салды», — десе, Қайс ибн Рабій (р.а.): «Әбу Ханифа (р.а.) Багдатқа тауар жіберіп, оларды саттырып, ақшасына зат алдырып Куфага жеткізетін, хадис ілімінің қыр-сырын зерттеп жүрген галымдарды қажетті нәрселермен қамтамасыз ететін, оларға азық-түлік, күім-кешек тарататын»,—дейді.

Қазақ жерінің орта ғасырлық дана перзенті имам Ағзам туралы арнайы еңбек жазған Ҳафіз ад-Дін

Мұхаммед әл-Кердери (?-1424) ибн әл-Мұбарактың: «*Куфага келген соң қала тұргындарынан кімнің фиқъты жақсы білетіндігін деп сұраганымда: Эбу Ханифа*» деді маған. Соңан соң «*Бұл дүние қызығынан ең көбірек баз кешкен кім?*» деген сұрағыма: «*Эбу Ханифа деген жауап алдыым*» деген сезін келтіреді. Сөйтіп осындағы пікірлердің бәрі жиылыш Әбу Ханифаның бүкіл болмысын ашып тұр деп ойлаймыз [1,20].

Әбу Ханифа: адалдық пен жомарттық үлгісі

Ол аса жомарт, кеңпейіл, өте адал кісі болатын. Көпшілік оның сауда-саттықтағы сипатын Әбу Бәкірге(р.а.)ұқсататын. Ол пайданы ойлап, өзгелердің аңғалдығын пайдаланбайтын. Өз пайдасын қалай қорғаса, өзгелерді де солай қорғайтын. Кедейлерге мейлінше көмектесуге тырысатын.

Бірде Әбу Ханифа Куфа қаласындағы дүкенінде сауда жасап тұрғанда бір әйел жібек көйлек әкеліп, Әбу Ханифага көрсетіп, сатпақ ниетін білдіреді. Әйел сезін:

- Бағасы жұз дирham,—деп бастайды. Әбу Ханифа оған:
 - Асықпаныз! Бұның бағасы қымбат. Сіз аз сұрап тұрсыз,—дейді.
 - Маған жұз де жетеді,—дейді әйел.
 - Жұз дирham аз, көбірек сұраныз,—дейді имам оған.
 - Сіз мені мазақ етіп тұрсыз ба? Ал, онда екі жұзге алыңыз – дейді әйел ренжіп.
 - Жоқ, мазақ еткені несі. Сіздің ақ көнілдігіңізді пайдаланып, көйлектің өз бағасынан арзанға сатып алатын болсам, акыретте Аллаға не деп жауап

беремін. Сенбесеніз, білестін біреуді шақырып бағасын сұраңыз, – дейді Эбу Ханифа.

Әйел жөн билетін біреуді шақырып, көйлектің канша тұратынын сұрайды. Олар көйлектің «бес жүз дирһам тұратынын» айтады. Сөйтіп, Эбу Ханифа көйлекті бес жүзге сатып алатын болады. Ақшасын санап жатқанда, әйелдің көзінен жас шығып, имамға: «*Сіз маган көп көмектестіңіз. Бұл менің үйлену тойында киген көйлегім еді. Қазір қараждаттан қысылып жүрміз. Бала-шагам екі күннен бері ыстық тамақ ішкен жоқ. Сататын артық нәрсеміз де қалмады. Лажсыз көйлегімді сатуга тұра келді. Бұл ақша мүшкіл халімізді біраз жеңілдететін болды. Сізге рахмет, өміріңіз ұзақ болгай*», – деп ризашылық білдіреді. Әйел мұнын түсінген Эбу Ханифа бес жүз дирһамның үстіне, сатып алған көйлекті де оған тарту етеді [4, 21; 3, 222].

Бұл хикая кәсіпкерлікпен айналысып жүрген бауырларымызға ғибрат болса деп ойлаймыз. Пайғамбарымыз (с.ғ.с.) да: «*Өтірік сөйлеген, біреуді алдаған адам бізден емес*», – деп қатаң ескерткен.

Эбу Ханифа егер бір нәрсеге шұబәланса, заттарын дереу садақаға таратып жіберетін. Бірде саудадағы серігі Хафс ибн Әбдірахманға біраз заттар беріп, сатуға жібреді. Мұліктерінің арасында бір киімнің нұқсаны бар екенін ескертіп, сатқанда кемшілігін айт дейді. Досы киімдерді сатқанмен, әлгі киім жайлы ескертуді ұмытып кетеді. Алған адамның кім екенін де білмейді. Бұдан соң Эбу Ханифа сол заттардан түскен барлық пайданы садақаға таратады. Сондықтан да, оның дәүлетінде берекет болатын [2, 23].

Күфада тұрганында бір кісінің қойы үрланады. Оны естіген Имам Ағзам үрланған етті байқамай жеп қоймайын деп сақтық үшін жеті жыл қой етін жемей қойған екен.

Әбу Ханифа ғалымдарға көп көмектесетін. Жыл соңында табысынан артып қалған ақшаларды ілім жолында жүргендерге таратып: «Мына қаражатты қажеттеріңе жұмсан, Алла тағалага шукір етуді ұмытпаңдар. Өйткені, бұл дәулет менікі емес, Алланың рақым етіп, менің қолым арқылы сендерге жіберген несібесі», – дейтін.

Имам Ағзам аса тақуа еді. Кішіпейілділік пен тақуалықты ол бәрінен жоғары санайтын. Бірде біреу: «Сен менің иемсің», – дейді. Сонда ол: «Алла тағалага айт етейін, мен сен берген бұл атақтан әлдеқайда беделдімін. Өйткені, мен Алланың пендесімін. Бұдан өзге биік лауазым бар ма?!», – деп жауап береді.

Оның тақуалығы жайлы гибратты әңгімелер көп. Бірде ол базарда жүргенде, екі адамның бірі жолдасына: «Мынау – Әбу Ханифа. Өте тақуа адам. Тінні құптан намазының дәретімен таң намазын оқиды екен», – дейді. Осыны естігенде Әбу Ханифа (р.а.) қатты таңданып: «Мен олар ойлагандай жсан емеспін гой. Бірақ халықтың мен жайлы жақсы пікірлерін жоққа шыгарып, оларды өтірікші етпеуім тиіс», – деп сол күннен бастап құптан намазының дәретімен таң намазын оқи бастаған [2, 21-22].

Әбу Ханифа қанша дәулетті болса да, жүргегінде дүниеге қызығушылық болмаған. Шәкірттері арасында отырған кезде оны сынамақ оймен бір яһуди: «Сениң пәлен жерден сапардан қайтып келе жатқан керуенің қарақшыларга жем болды. Енді не істейсің?», – дейді.

Әбу Ханифа аз уақыт үнсіз қалады да: «*Аллага шүкір*», – дейді. Әлгі адам қайта оралып: «*Әбу Ханифа, сүйінші! Керуенің табылды. Қарақышылар қолга түсті. Малың, дін аман, жолда келе жатыр*», – дейді. Әбу Ханифа тағы біраз үнсіз қалып: «*Аллага шүкір*» – дейді. Сонда әлгі адам: «*Сен неге қайзыда да, қуанышта да бірдей шүкірлікпен гана жауап қайырдың*», – дейді. Сонда Имам Ағзам: «*Керуенің жоғалды дегенде, жүргім ауырып сыздар ма екен деп, оған үңілдім. Жүргімнің түк болмағандай бір қалыпты соққанын көріп, «Аллага шүкір» дедім. Кейін «малың табылды» дегенде, қуанар ма екен деп тағы да жүрек дүрсіліне құлақ астым. О сол баяғыдай соғып тұрды. Мен сонда жүргімде дүниеге сүйіспеншілік болмағанын біліп, қуанып: «Аллага шүкір» дедім» – деп жауап береді [1, 46].*

Алла тағаланың барлығы, бірлігі, шексіз құдіреті және басқа да сипаттары, сондай-ақ ақырет, жәннат, тозақ және басқа да сенім-наным мен түрлі діни көзқарастарға байланысты мәселелерді қарастыратын калам (тәухид, ақида) ілімі аясында Әбу Ханифа нақли дәлелдер (Құран аяттары мен пайғамбарымыздың сұннеттері) мен акли (ойсанамен түйінделген) дәлелдерді келтіріп, мәселеге тиісінше жауап беретін.

Әбу Ханифаның тапқырлығы мен парасаттылығы

Бірде оған сол аймақтағы пұтқа табынушылар келіп, Жаратушы Иеміз жайында пікір таластырады. Әбу Ханифа: «*Сендер теңіздегі кеменің қарсы соққан толқындарға төтеп беріп, жел бағытымен жүзіп бара жатқанын көрдіңдер дейік. Сонда мен әлгі*

кемені жүргізушісіз, өздігінен жүзіп бара жатыр десем, қабыл алар ма едіңдер?», – деп ой тастай сұрады. Пүтка табынушылар: «Жоқ, бұл ақылга сыймас», – деп жауап береді. Имам Ағзам: «Сол секілді біздің тұрган жеріміз кеме іспетті. Ол үстіне адамдар, жан-жануарлар және сансыз өсімдіктерді артып, қаншама гасырдан бері діттеген жеріне қарай кетіп бара жатыр. Оның бағытын түзеп, үстіндегі халықты сақтаған, қадағалаған бір иесі болмауы ақылга сия ма?! Демек, алемнің Ұлы Бір Жаратушысы бар», – дейді. Сонда олар ақылға келіп, мұсылмандықты қабылдайды.

Алланың барлығына әрі бірлігіне иман келтіре алмаған, табиғат заңын құдіреті күшті Тәнірден жогары қоятын, ғалымдармен кездесе қалса айтыса кететін бір дінсіз философ жүре-жүре Куфа қаласына келіп, көзкарасын таратып насиҳаттамақшы болады.

Халифа әл-Мансур (754–775) философты шакыртып, ниетін білгісі келеді. Дінсіз: «Құрметті, халифа! Сенің сарайыңда қызметте жүрген ғалымдармен кездесіп, пікірсайыс өткізсем деймін. Өйткені, олар бүкіл алемді бір Алла жаратты дейді. Мен алем бұрыннан бар еді деймін әрі бұл пікірімді дәлелдей беремін», – дейді.

Халифа Әбу Ханифаны шакыртады. Ол бесін намазын оқып болғаннан соң баратынын хабарлайды.

Куфалықтар мәжіліс үйіне лық толады. Әбу Ханифа бірақ айтқан мерзімінде келе алмайды. Уақыт өткен сайын дінсіз тәкаппарланып: «Білемін, менен қорықты», – деп жылмың қағып отырады.

Осы кезде Әбу Ханифа кіріп келеді. Дінсіз оған: «Сен біздің күттіріп қойдың, сенімен айтыстаимын», – дейді. Ол: «Асықпаңыз, әугелі не ушін кешіккенімді

айтайын. Бұгін бір гажайып оқиғаның күесі болдым. Үйіміз өзеннің аргы жағында еді. Салға отырып, бері оттекші болып едім кенет жел соғып, салды бұзып, ағаштарын жсан-жаққа ұшырды. Не істерімді білмей тұрганымда, бір толқын салдың бөренелерін бір жерге жинады, ол қайта сал болды, оған мініп, осында келдім. Кеш қалғанымның себебі осында. Сол үшін кешірім сұраймын», –дейді.

Бұл жауапқа қарқылдап күле бастаған дінсіз:

– Ей, халайық! Ғалымыңыздың айтқан сөзі қисынға келе ме?! Бұл қып-қызыл өтірік қой, –дейді. Сонда Әбу Ханифа шындыққа көшіп:

– Шынында, ақылсыз сенсің. Екі ағаштың бір жерге жиналатынына сенбей тұрып, ұшы-қыырсыз, алды-арты жоқ әлемді қалайша өзінен өзі бар болады дейсін? –дейді.

Әбу Ханифаның тапқырлығына танғалған дінсіз: «Мені байқаттай ұстадың, ондай болса көрсетші сол Алланы маган, мен де сенейін», –дейді. Сонда Әбу Ханифа бір шыны сүт алдырып, дінсізден сұрайды:

– Май мен ірімшік қайдан шығады?

– Эрине, сүттен!

– Ендеше, сүт ішінде май мен ірімшікті көрсетші?

Дінсіз шарасыз қалып:

– Эрине сүт ішінде май мен ірімшік бар. Бірақ олар көзге көрінбейді, –дейді. Әбу Ханифа:

– Өзің шыны ішіндеғі сүтте май мен ірімшік бар екенін біле тұрып, оны көрсете алмай тұрып мына үлкен әлемді жаратқан Алланы қайта-қайта көрсет дейсің. Бұл мүмкін бе? Сүт ішінде қалай май болса, Алла да бұл әлемде осылайша бар, бірақ көрсетуге келмейді, –дейді.

Әлі де бір Алланың барлығына сенбей, данышпансып отырған ол:

– Соңғы сұрағыма жауап берсөң ғана сенен жеңілгенімді мойындаимын. Алла бар деп бойбермейсің. Сол Аллан әл казір не істеп жатыр? – деп сұрайды. Аз ғана ойланып қалған Әбу Ханифа:

– Мына отырған мінберден түсініз, сұрақтың жауабын сонда берейін деп дінсізді төмен түсіріп, өзі мінберге шығып:

– Дәл қазір Алла тағала сен сияқты бір дінсізді мына мінберден түсіріп, мен сияқты бір пендесін жоғары шығарды, –дейді.

Дінсіз аузын аша алмай қалып, қалың халық алдында «*калимаи шаңадат*» айтып, исламды қабылдаған екен.

Әбу Ханифа фикір ілімінің жетік маманы болған кезінде, дініміздің көптеген келелі мәселелеріне байланысты сұхбаттарға да катысадын. Бірде ол мешітте отырғанында карулы харижиттер (суниттерге карсы топ өкілі) үстіне баса-көктеп кіріп, сынау үшін оған: «*Босагада екі өлік жатыр. Бірі арақтан өлген ер кісі, екіншісі зина жасап қойып, сонысы үшін үялып асылып өлген әйел. Бұл екеуіне қатысты не айтар едіңіз?*», – деп сұрайды. Харижиттердің сенімі бойынша, үлкен күнә жасаған кісі кәпір саналып, мәңгілік тозаққа түсседі.

Ол кісінің ниет-пигылын бірден түсінген Әбу Ханифа: – Ол екеуі яңуди ме, әлде христиан ба, не пүтқа табынушы ма? Мұның қайсысы? – деп карсы сұрак кояды.

– Олардың ешқайсысы да емес.

– Сонда қай үмбеттөн?

– Алладан басқа Құдай жоқ, Мұхаммед оның елшісі дейтін қауымнан, – деп жауап берген харижиттерге:

– Куәлік кәлимасы иманның үштен, төрттен яки бестен бірі ме? – деп тағы сауал қояды.

– Иманның ондай үштен де, төрттен де, бестен де бірі болмайды. Ол бөлінбейді.

– Иманның қаншасы сонда?

– Тұтасы.

– Ендеше, жауабын өздерің бердіңдер. Олардың мұсылман екенін айттыңдар.

– Сен мұны қой. Олар жәннаттық па, әлде жәһәннәмдық па? – деп харижит сүріндіру үшін сұракты бастырмалата бастайды.

– Ибраһим (ғ.с.) пайғамбар мұшріктерге: «*Ей, Алла! Маган бойсұнгандар мен қарсы шыққандарга Сен кешірімді әрі рақымдысың!*», – деп дұға етті. Иса (ғ.с.) пайғамбар: «*Ей, Алла! Егер оларды азапқа салсаң, олар Сенің құлдарың, егер кешірсөң, Сен мейірбан әрі рақымдысың!*», – деді. Иманды жандарды қудалауга себеп те, негіз де жоқ», – деп түйіндейді өз жауабын Эбу Ханифа. Сөзге тоқтаған харижиттер қаруларын тастап, мешіттен шығып кетеді.

Осылай Эбу Ханифа Құранның асыл аяттары менхазіреті Мұхаммед (с.ғ.с.) пайғамбарымыздың хадис шәріпперінен, сондай-ақ бұрын өткен пайғамбарлардың (ғ.с.) өсиеттерінен нақты дәлелдер мен мысалдар келтіру арқылы, жат топтардың теріс пікірлерін түзеп отырған.

Эбу Ханифаның баласы ғылыми айтыс-тартысты ұнататын, әрі жат топтардың теріс пікірлеріне еліктеп кете жаздаганда, экесі оны олардан қайтарып алатын. Сонда баласы экесіне танырқай қарап: «Мен сениң де әр килі мәселелерде пікір таласып, айтысатыныңды көретінмін, ал енді мені содан тыйғаның қалай?», – деп сұрайды. Эбу Ханифа: «*Балам-ау! Біздің пікірталастагы сақтығымыз*

соншалық, төбемізде құс қонып тұрғандай аса мұқияттылықпен сойлеуши едік. Бәсекелесіміз қателеспей, екеуіміздің де ойымыз бір жерден шықса еken деп тілейтінбіз. Ал сендер бір-біріңің беттеріңен алып, қарсыластарыңың қателесіп, тура жолдан адасқанын қалап тұрасыңдар. Есіңде болсын, кімде-кім бәсекелесінің қателесіп, тура жолдан адасқанын қаласа, ол оның діннен шыгуын қалаганымен бірдей. Ал серігінің дінсіздігін қалаган адам, сол арам ниеті үшін, әуелі өзі дінсіздер қатарына қосылады», –деген еken [2, 32].

Бірде Әбу Ханифа ұстазы Хаммад ибн Сүлейменнің дәрісханасында отырғанда бір әйел келіп, одан: «Пәленше өзінің күжін шаригатқа сәйкес талақ еттекші, оның жолы қалай?», –деп сұрайды. Соңда ол: «Бұл мәселені анау ұстазымыздан сұрап көр, жауабын маган келіп айтарсың», –дейді.

Әйел Хаммад ибн Сүлейменге барып, сұрағына жауап алады да, қайтып оралып: «Мұның жауабы былай еken: Ислам некелі ерлі-зайыптыларды бір шаңырақ астында тату өмір суруге бұйырады. Дегенмен, олардың отбасылық өмірі жарастай, ажырасуды қаласа, ері әйелін талақ етеді. Ол үшін күйеуі әйелімен жақындасуды тоқтатып, оны үш рет қатарынан келген әр етеккірінен тазарысымен бір реттен талақ айтады. Осымен ерлі – зайыптылардың некелік байланысы біржола тыйылтып, әйел басқа еркекке күйеуге шыгуға құқылы болады еken», –деп мәселенің түпкілікті шешімін баяндап береді [1, 10].

Мұны естіген Әбу Ханифа: «Ақида ілімін ерінбей оқыдым, зерттедім, бірақ қарапайым халықтың күнделікті өмірінде, өзара қарым-қатынастарында жіңі ұшырасатын басқа да сан алуан түйткілді

мәселелеріне нақты шешім іздейтін, әрі аса байыптылықты қажет ететін фиқъ іліміне аса көңіл бөлмеген екенмін»,—деп отырған орнынан тұрып Хаммадтың фиқѣ ғылымының дәрісханасына беттейді.

Шәкіртінің бұл ілімге деген ынта-ықыласын байқаған ұстазы: «Балам, бұдан былай оқушылардың алдыңғы қатарында отыр»,—деп арқасынан қаққан [1, 10].

Әбу Ханифа өз заманында араб тілі, ақида (діни сенім), хадис сияқты қөптеген ілімдерге мойын бұра келе, сонында олардың ішінде ең қызықтысы мен маңыздылығы жағынан өзіне қатты ұнаған фиқѣ ілімін таңдайды. Бұл ілімді жай оқып қана қоймай, тереңнен зерттеп, мәселелерді тақырыбына карай тараулап бір жүйеге келтіру арқылы негізін салады.

Йухий ибн Наср әл-Әнсари «Мен Әбу Ханифаның: «Менде хазіреті Мұхаммед (с.ә.с.) пайғамбарымыздан жеткен сандық-сандық хадистер бар»,—деген сөзін жеткізсе, Хасан ибн Зияд: «Әбу Ханифа төрт мың хадис риуаят еткен: екі мыңын ұстазы Хаммадтан, ал қалғанын басқа ұстаздарынан үйренген. Оның айтқан сөздері мен істеген амалдары хадис шәріпке сәйкес болатын»,—дейді.

Әбу Ханифаның ілімі мен даналығын қызғанып: «Ол хазіреті Мұхаммед (с.ә.с.) пайғамбарымыздың хадистеріне көп сүйене бермейді, оның шыгарған пәтуалары әлсіз»,—дейтіндер де болған. Бұған қарсы жауап ретінде Найм ибн Әмр оның: «Адамдар мен туралы: «Ол айтқан пәтуаларын өз ойынан шыгарады, нақты дәлелдерге сүйенбейді»,—дейді. Расында, әрбір мәселеге байланысты берген үкімдерімде Құран мен хадиске сүйенбекен кезім болған емес»,—деген сөзін келтіреді.

Талантты әрі терен парасат иелерін күндеушілері де табылатыны сиякты Имам Ағзамның (р.а.) бедел биғіне көтерілгенін, атак-данқының асқақтағанын көре алмай қызғанған дұшпандары да болмай қалмады. «Ол Құранға, хадиске емес өзінің ақылына көбірек сүйенеді» деп айыптаушылардың бірінен Имам Ағзам :

- Намаз ұлық па немесе ораза ұлық па?», – деп сұрайды.
- Әрине, намаздың жолы үлкен, –дейді әлгі кісі.
- Мұны кімнен естідің? – дейді Имам Ағзам.
- Расуллалладан (с.ғ.с.) – депті ол.

Сонда Имам Ағзам: «Мен де намаздың жолы ұлық деп айтам, әрі оны хадиске сүйеніп айтып отырмын. Егер ақылға табан тірегенімде оразаның жолы ұлық дер едім. Өйткені, әйел адам хайыз болғанда (етеккірі келгенде) намазды да, оразаны да тоқтатады. Хайыздан тазарған соң әуелі оразаның қазасын өтейді. Бірақ намаздың қазасы өтелмейді. Тағы да: «Мирасқордың мұрасын бөлөрде ер адамға екі есе, әйелге бір есе беріледі. Егер мен ақылға сүйенгенімде әйелге екі есе тиесілі, өйткені әйел табигаты нәзік, сондықтан екі есе деп айттар едім. Бірақ мен Құран Қәрімге сүйеніп, ереккек екі есе деймін» деген екен.

Әбу Ханифапайғамбарымыздың(с.ғ.с.)хадистерін естіген немесе дәлел ретінде қабылдаған кездерінде, мұқият қарап, оның ақиқаттығына аса мән беретін. Өйткені, ол заманда жалған және күмәнді хадистер көбейген еді. Осылайша, Әбу Ханифа ғылыми істерін ұқыпты әрі тиянақты жүргізіп, Құран, хадис, ижмаъ және қияс негізінде мәселе шешіп, олардың негізінде фиқіты тарау-тарауға бөліп, реттеген. Онда дәрет, намаз, ораза, зекет, қажылық, неке, талақ, сауда,

(р.а.): «Олай болса олар ешқашан фиқъ ілімін үйрене алмайды немесе қателеседі, бірақ қателіктерін өздері білмейді. Сөйтіп өз ойларын дұрыс санаң, шындыққа қарсы шыгады», –деген екен [2, 38].

Әбу Ханифаның үкім шыгаруда ақылға сүйенуі

Әбу Ханифа (р.а.) – адамзатқа мейірімі мол ғұлама. Оның ұлағаттылығы ілімдеғана емес, қоғамға тән істерде де өз орын тапқан. Құран және сұннет ілімінің теренінен сусындағандықтан оның жемісті пәтуәлары қаншама?! Имам Ағзам пәтуаларына дәлел етіп рауилар тізбегі үзілмеген хадистерді іріктең алатын. Имам Ағзам заманында ғұламалар – «ақлі хадистер» және «ақлірайлар» болып екі мектепке бөлінген болатын. Олардың араларындағы тартыс тек жақсылық мақсатында еді. Сондықтан да бұл екі мектеп өкілдерінің арасында ешқандай да реніш тумаған. Басты мақсаты тек қана ислам ақыятын жетік әрі дәлдікпен тұра баяндау болғандықтан кез келген тартыс, пікірталастары өзара құрмет пен әдептілік шегінен шықпайтын еді.

Әбу Ханифа өмірінің соңғы жылдарында аталмыш екі топтың өкілдері өзара пікірталасуларын тоқтатып, жалпы мұсылмандарға пайдасы молынан тиетін үкімдерге көздері жеткен соң келісе бастады.

Имам Ағзам ижтиһад ету тәсілін қыскаша: Мен үкім шыгаруда ең алдымен Құран Қәрімді бірінші орынға қоямын. Егерде аталмыш сұрағыма Құран аяттарында анық жауап болмаса, Пайғамбарымыздың (с.ғ.с.) сұннетінен іздеймін. Онда да мәселем шешілмесе, сахабалардың сезіне жугінемін. Мұндай жағдайда, сахабалардың ішінен өзім қалаған кісінің

сөзіне тоқталамыз. Бұл сұрақты сахабалар да талқыламаған болса, онда мәселені айқындау мақсатында екі мәселенің ортақ жерін тауып, бір үкімді келесі бір мәселеге салыстыра отырып, үкім шығарамыз, – деп жауап берген.

Әбу Ханифа қайтыс болғаннан кейін ислам ғұламалары және олардың көшбасшысы Имам Шафиги қиясты Имам Ағзам пікірі негізінде дамыта отырып, оған: оқиғаның шешімі Құран Қәрім және Пайғамбарымыздың (с.г.с.) сұннетінде, сондай-ак ижмағда да анықталмаған жағдайда шариғатта үкімі анық мәселеге ұксас үкімі жоқ мәселені салыстыра отырып үкім шығаруды – қияс дейміз, – деп анықтама берген.

Ұстаз Әбу Заһра Әбу Ханифаның ижтиһадын және хадистерді зерттеуде ұстанған бағытын, өзі өмір сүрген ортада көптеп қияс етуге және соның қорытындысына қарап бірнеше бөлімдерге бөлуге себеп болғанын:

Әбу Ханифаның ілім аясы ауқымды болғандыктан күнделікті кездесіп отырған мәселелерді талдаумен шектелмеді. Бәлкім, ол келешекте күн тәртібіне қойылуы мүмкін және күтіліп отырған мәселелерді де өз назарынан тыс қалдырмады, – деп түсіндірген.

Әбу Ханифаның шәкірті имам Әбу Юсуф өз ұстазы жайлы: Хадисті және ондағы фикірка қатысты жәйттерді талдап беруде ұстазым Әбу Ханифадан білімдірек кісіні көрмедім, – дейді.

Әбу Ханифа мазhabының болмысы мен мазмұны адамдарға женілдік жасап беру сияқты ұлы мақсатта өз орнын тапқан. Ол кісі ешқашан кісілерге қыншылық пен мashaқатты қаламады. Мейлі, гибадат немесе, тұрмыстық қарым-қатынас мәселесі болсын Әбу Ханифаның енбегі үнемі жүртшылық назарында

Әбу Ханифаның шәқірттері

Әбу Ханифаның жолын жалғастырып, фикір мәселелерін толықтырган әрі дамытқан шәқірттері: Имам Зуфар ибн Һузайл(727–774), Имам Әбу Юсуф (730–798) және Имам Мұхаммед ибн Ҳасан (748–804) еді. Олардың қатарына аты белгілі Яхъя ибн Саид әл-Қаттан, Абдулла ибн Мұбәрак, Уақіп әл-Жәррах, Язид ибн Һәрун, Абдураззак ибн Һәмман, Дәуд Тайи секілді ғұламаларды қосуға болады.

1. Исфахан қаласынан шыққан **Имам Зуфар ибн Һузайл (р.а.)** Имам Ағзамның шәқірттерінің үлкені болатын. Оның толық аты – Әбу Һузэйл Зуфар ибн Һузэйл Қайс әл-Әнбарий әл-Басри. Әкесі һузэйл кезінде Басраның әкімі болған. Фикір ілімін имам Зуфар Әбу Ханифадан үйренді. Ұстазы оны: «Қиясты (салыстыруды) ең жақсы білетін шәқіртім – Зуфар», – деп мактайтын.

Әбу Омар (р.а.): «Зуфар ақылды, діндар, түсінігі мол, тақуа, хадисте аса сенімді еді», – десе, Ибраһим ибн Сүлеймен (р.а.): «Біз Зуфармен бірге отырсақ, арамыздан ешкімнің дүниауи сөз сөйлеуге батылы жетпейтін, ал біреу дүниауи сөз сөйлей қалса, ол кісі орнынан тұрып кететін», – деп еске алады.

Әбу Ханифа дүниеден өткеннен кейін ұстазының дәріс алқасын осы Имам Зуфар басқарған.

2. **Имам Әбу Юсуф (р.а.)** та Әбу Ханифаның ең озық шәқіртінің бірі еді. Оның толық аты-жөні Әбу Юсуф ибн Ибраһим ибн Ҳабиб ибн Саъд ибн Ҳәбта әл-Куфи, әл-Ансари. Бастапқы ілімін ол Куфада Имам Ағзам мен Әбу Ләйләдан алды. Сондай-ақ ол Малик ибн Әнас, Суфьян ибн Үәйнә, ибн Журәйж сияқты әйгілі ғұламалардан дәрістерін тыңдады. Әбу Юсуф мұжтаһид дәрежесіне жеткен білікті ғалым атанған.

Әбу Юсуф (р.а.) Әбу Ханифамен (р.а.) 17 жыл бірге болып, ұстазынан бір сәт ажырамаған. Имам Ағзамның (р.а.) дәрістерін ешқашан жібермеген. Тіпті бір перзенті шетінегенде жерлеу рәсіміне көршілері мен жақындарын жіберіп, өзі сабакқа келген екен.

Дәуд ибн Рушайд (р.а.) ол туралы: «Егер имам Әбу Ханифа (р.а.) Әбу Юсуфтан басқа шәкірт оқытпағанның өзінде, Әбу Юсуфтің (р.а.) жалғыз өзі гана Әбу Ханифага (р.а.) «шәкіртім» деп мақтану үшін жеткілікті еді», – деген. Ал, Һиләл ибн Яхъя: «Әбу Юсуф (р.а.) тәңсір, ислам тарихы, исламга қатысты түрлі оқығаларды (шайқастар, аяттардың түсү себептері) жатқа білетін. Шарғи мәселелерге білгір еді», – дейді.

Әбу Юсуфтан (р.а.) Мұхаммед ибн Ҳасан әш-Шайбани, Ахмад ибн Ҳанбал (Ҳанбали мазһабының жетекшісі), Бишр ибн Уалид, Яхъя ибн Муъин және басқа көптеген танымал адамдар (р.а.) білім алды.

Нарун ар-Рашид заманында ол Бағдат қаласында қазы болды. Кейінірек бас қазы лауазымына дейін көтерілді. 798 жылы Бағдатта қайтыс болды.

3. **Имам Мұхаммед (р.а.)** Әбу Ханифаның алғыр әрі зерек шәкірттерінің бірі еді. Толықаты-жөні – Әбу Абдулла Мұхаммед ибн әл-Ҳасан ибн Фарқад әш-Шәйбәни. Ол Уасит қаласында дүниеге келгенімен, көп уақыты Куфада өткен. 14 жасынан Имам Ағзамға шәкірт болды. 20-ға келгенде Куфаның орталық мешітінде шәкірттерге дәріс берे бастайды.

Сонымен қатар ол Әбу Юсуф, Суфьян ибн Үәйнә, Абдурраҳман әл-Әузәғи және Абдулла ибн Мұбәрактан дәріс алыш, окуын жалғастырды. Үш жылдан астам имам Мәліктің құзырында болып, одан 70 мыңнан артық хадис естіген деген де риуаят бар.

Ол да Имам Ағзамның мұжтәһид дәрежесіне жеткен шәқірттерінің бірі.

796 жылы Һарун ар-Рашидтың бұйрығымен Хорасанның қазысы болып тағайындалды. Ол Ханафи мазғабының дамып, кең тарауына көп еңбек сінірген.

Имам Мұхаммед өзінің терен ілімінсүйеніп көптеген қын да ауыр мәселелер бойынша пәтуа жазды. Өзі де ұстазы сияқты көптеген шәқірттер тәрбиеледі, шәқірттерінің ең озықтары: Имам Шафиги (Шафиги мазғабының жетекшісі), Әбу Хафс әл-Кәбир; Мұхаммед ибн Сасаға; Яхъя ибн Майн; Ибн Миһран (р.а.) сиякты ұлық ғұламалар.

Имам Мұхаммед (р.а.) көптеген діни мәселелерге дәлелдер тапкан, оларды реттеп, жүйесін жасаған. Ахмад ибн Ханбал (р.а.): «Егер бір мәселе төңірегінде үш кісінің бірінің пікірі айтылса, оған қайшы келуге орын жоқ», – деді. Мұны естігендер: «Олар кімдер?» – деп сұрап еді. Ол: «Әбу Ханифа, Әбу Юсуф және Мұхаммед ибн Ҳасан (р.а.)», – деп жауап берген.

Қырықтан артық мұжтаһид ғалымдардың пікірлері негізінде құрылған Әбу Ханифа мазғабы сол заманың көптеген ғұламалары тарапынан ілтипатпен қабылданды. Бұл мазғабтың дүниеге келуі мұсылманардың өзара ынтымағына мүмкіндік туғызды.

Имам Ағзам мазғабы мәслихатқа негізделіп құрылды. Сондықтан, оны Әбу Ханифаның жеке өз жолы ғана емес, жалпы мұсылмандар таңдаған шынайы Құран жәнесүннет жолыдеу керек. Дегенмен, ол дінді насиҳаттау үшін көп ізденді, дінді танып-білу жолында тынымсыз еңбек етті. Ол бір мәселе туралы ғұламалармен кенесіп, пікірлерін тыңдалап, ойын айтып, бар мәселені талқылауға салатын. Әрбір

мәселені ұзак ойлап, терен зерттейтін. Әбу Ханифа өз пікірін накты дәлелдермен анықтап беретін. Ғалымдар бір пікірге келіп, шешім қабылдағаннан кейін имам Әбу Юсуф хатқа түсіретін. Бұл мазғаб осылайша өзара мәслихат, кенеспен дүниеге келді. Сондықтан да, бүкіл әлем мұсылмандары бұл мазғабтың дұрыстығын күмәнсіз мойындауда. Құран мен сүннетке негізделген бұл мазғаб көнілге конымынды әрі бейім.

Шейх Ахмад әл-Макки әл-Хорезми Әбу Ханифаның ілімін дүниенің түкпір-түкпіріне таратқан шәкірттерінің 730 дан астамы ислам әлеміне танылған гұламалар еді деп еске алады.

Асад ибн Фурат (р.а.): «Қырық адам хатшылық қызыметін атқарды. Бірінші ондық ішінен Әбу Юсуф, Зуфар иби Һузайл, Дауд әт-Тайи, Асад иби Эмр, Юсуф иби Халид әс-Самтий және отыз жыл бойы хатшылық жасаған Яхъя иби Закарийа иби Әбу Зайда», –дейді. Олар бір мәселе жайлы таласып қалғанда, әркім өз ой-пікірін айтатын, сонында бәрі Әбу Ханифа тұжырымын сұрағанда, ол мәселепің анық жауабын беретін, кейде олар бір мәселе төнірекінде үш күндей пікір алысатын еді. Мәселе шешімін тапқаннан кейін барып, кітапқа түсіретін.

Имам Ағзам сексен үш мың мәселені хатқа түсіртті. Оның отыз үш мыңы гибадатты қамтыса, қалғаны қоғамдық қарым-қатынастар туралы еді.

Үмәйлер әкімшілігі мен Имам Ағзам арасындағы келіспеушілік салдарынан, ол бірнеше жыл Басра, Меккеде, Мәдина қалаларында тұрып, ол жердегі зиялды қауыммен қарым-қатынаста болып, олардан ілім үйренді, кейбір күрделі мәселелерді олармен ақылдаса отырып, талқылады.

Кейін Аббас әuletі билікке келіп, халифа Мансур Бағдатты жаңа халифаттың астанасына айналдыруды бастады. Халифа Эбү Ханифаны Куфадан арнайы шақыртып, қаланы жоспарлау мен құрылышына қатыстырады. Эбү Ханифа шаһар құрылышыларын да басқарып, жемісті еңбек еткен.

Сөйтіп Эбү Ханифа өмірінің 52 жылын Үмәйлер заманында, 18 жылын Аббасилер дәуірінде өткізді. Бұл екеуі де Мұхаммед (с.ғ.с.) пайғамбарымыздың әuletін аса қош көрмейтін. Пайғамбарымыздың (с.ғ.с.) ұрпактары үнемі құғынға ұшырады. Бұның басты себебі – биліктен айрылып қалмау еді. Имам Ағзам қашан да пайғамбарымыз (с.ғ.с.) ұрпактарының жанында болып, оларға қолдау көрсетіп отырды. Бұл – әділеттілікті жақтау мен пайғамбарымызға (с.ғ.с.) деген сүйіспеншіліктен туғанды.

Эбү Ханифа екі ерекшелігі үшін ылғи да осы аталмыш билік иелерінен қорлық көрді. Бірде үмәйлердің кезінде Ирак экімі Язид ибн Умар Эбү Ханифаның сайдтерге (пайғамбарымыздың (с.ғ.с.) ұрпактары) жақтасқанын біліп, шақырып алып әдейі сынайды. Қазылық жұмысын ұсынады, көнбейді. Одан кейін мемлекеттегі әр түрлі лауазымды орындарға шақырады, бірақ Имам Ағзам бұлардың ешқайсысын да қабылдамайды. Ибн Хубайра Эбү Ханифаны қапаска салып, қинайды. Эбү Ханифаның ауыр азаптан басы жарылып, ісіп кетеді. Қанша дүре соқса да, ол алған бетінен кайтпайды.

Оның лауазымды қызметтерді қабылдамауының бірнеше себептері барды. Бірінші, ол мемлекетті басқаруда әділетсіз болған үмәйлерді колдағанда, халық арасында дау туатын еді. Екінші, үмәйлердің басқару жүйесі мен қоғамдық тәргілтері ислам ұстанымдарына қайшы болатын. Өйткені, жазықсыз

жанның қанын төгу ханиф Исламга теріс іс-әрекет еді. Ал, әділеттілікті жасырып, өкіметтің қолтығына кіру Әбу Ханифа үшін елге жасалған нағыз зұлымдық саналды.

Аббасилер дәуірінде, шамалы 754 жылы халифа Әбу Жағфар (көбіне Мансұр деген атпен белгілі) Әбу Ханифаға қазылық жұмысын ұсынады. Ғалым қабылдамайды. Кейінірек халифа Мансұр бұл плауазымды тағы да ұсынады. Ол түрлі себеп айтып, келіспейді. Сонда халифа оған: «Өтірік айтпа!», – дегенде Әбу Ханифа: «Сен сонда өтірікшін! қалай қази етпексің?», – деген. Халифа ызаланып, оны қапасқа тастап, ел алдында күн сайын он рет қамшы ұруға және ол туралы жар салдыруға бұйырады. Қартайған шағында оны, сейтіп, билік халық көзінше азапқа салады. Әбу Ханифаны билік тамақ бермей де аштан кинайды. Арада бес күн өткенде, яғни 767 жылы ол дүние салады. Оның жаназасы кезінде Бағдат қаласының көшелері халыққа толып кеткен деседі.

Түйін

Ұлық имам – имам Ағзам Әбу Ханифа қашан да гұмыры мен бар мал-мұлкін Алла разылығы жолында жұмсал, келер ұрпаққа жаксы өнеге қалдырды. Ол қайтыс болғанда Ибн Жәриж қайғыға беріліп: «Қандай білім кетті! Қандай білім кетті!» – деп жылаған екен. Абай атамыздың: «Өлді деуге бола ма, айтыңдаршы, өлмейтұғын артына сөз қалдырған?» – деген сөздері де осындай дара тұлғаларға арналған шығар.

Қазақстан халқының басым бөлігі Әбу Ханифа мазһабын ұстанады. Сондыктан қазіргі басты мақсат – халқымыздың имандылығын, рухани деңгейін өсіру

үшін адамгершілікке тән қасиеттерге жетелейтін, әділдікті, шындықты, адалдықты уағыздайтын, елін, халқын суюге тәрбиелейтін, басқа ұлт, басқа діндерге құрметпен қарайтын, ең жақсы әдет – ғұрыптарды уағыздайтын ислам дінінің құндылықтарын сауаттылық әрі парасаттылықпен насхаттау.

Күні кешегі атеистік идеологияның ұтынан әлі айыға алмаған бүтінгі қоғамда діни сауаттылық пен танымның жеткіліксіздігінен түрлі ағымдар мен топтар жетегінде кеткен кейбір қандастарымыздың аузынан: – Әбу Ханифа мазһабын ұстанудың қажеті қанша?–деген қыршаңқы сауал ішінара болса да естіліп қалады. Бұл сауалды қоюшыларға ең алдымен Әбу Ханифа мазһабының ерекшеліктері мен мән-маңызын тереңірек зерделеуге кенес берер едік. Екіншіден олар бұл құқықтық мектепті атабабаларымыз неге ұстанған деп, оның өміріміз бен қоғамымыздың алар орны мен ролін бағамдауы ләзім. Осы мазһабты неге әлем мұсылмандарының жартысына жуығы ұстанатынына көніл бөлуі тиіс. Бірлік пен ынтымак әрбір мұсылман үшін аса қымбат.

Олай болса, Тәуелсіздігімізді одан әрі баянды ете түсу үшін, халқымыздың діни бірлігі мен рухани ынтымалың сақтап күшетту үшін Әбу Ханифа мазһабы қажет.

Егер Әбу Ханифа мазһабын ұстанбасақ, діни рухани бірлік, тұластықтан айрылып, арамызға діни алауыздық араласып, жік түседі. Діни амал жайлы бітпес дау, бірінің жағасынан бірі алу басталады. Менікі дұрыс дейтін топ-топқа бөлініп, ынтымактан айрыламыз. Жақсы ғұрып пен әдет әдіра қалып, жақсы әдетке де қарсы шығуымыз көбейседі. Мұның

арты мемлекеттің қауіпсіздігіне әсер беріп, касіретке душар етуі мүмкін.

Алла тағала ғибадаты мен ғибраты мол, жомарт, жұмсақ мінезді, тақуалы ұлы имамымыз Әбу Ханифаны ракымына бөлесін. Бүкіл дүние мұсылмандарының ынтымағы мен бірлігі нығайып, дау мен алауыздық жойылсын. Әлемде тыныштық пен сыйластық орныксын. Әмин!

* * *

— Түсіндің бе?— деді Сәлімгерей ұлына.

— Түсіндім әке,— деді Арман. Ата — бабаларымыз мың жылдан бері Ұлық имам — имам Ағзам Әбу Ханифа мазhabын жайдан-жай ұстанып келмеген екен. Бір мазhabта болу, шындығында да елдің діни ауызбіршілігі, ынтымағы, шаригатқа қайши келмейтін әдет-ғұрып, салт-санасын да тәрк етпеу екен фой.

— Балам, мен саған өміріңе шамшырақ болар мына өсиеттерді де айтайын. Бұл өсиетті Имам Ағзам баласы Хаммадқа айтқан екен. Жақсылап тында:

«Балам! Аллаһ сені тұра жолға бастап, әрқашан сенің жәрдемшің болсын,—деп дұға жасаумен бастады. Ұlyым! Саған айтпак әкелік насихатымды құлағыңа құйып, жадында сақтасан, бұл дүниеде де, ақыретте де бақытқа кенелерсің—деп тізбектей жөнелді.

Аллаһтан қорқып, он екі мүшенді күнәдан тыйып, Жаратушымыздың бүйрыктарын толығымен орында.

Кажетіңе жарап ілімді үйренуде талabyң қайтпасын.

Дініңе және өмірлік тұрмысыңа зияны тимейтін кісілермен гана қарым-катаңаста бол.

Керегінен тыс нәрселерден нәспінді тый.

Мұсылманга да, зимміге (мұсылман елінде тұратын өзге дін өкілі) де өктемдік көрсетпе.

Аллаһ берген ризық-несібене қанағат ет.

Өзгеге мұқтаж болмау үшін барыңды дұрыс пайдалан.

Адамдар саған жек көріп қарайтындаі іс жасама.

Қажетінен артық дүниеге беріліп кетуден сақтан.

Кісіге жолыққанда сөзінді сәлеммен баста. Сөзін көркем, мәмілең кішіпейіл болсын. Жақсыларға жағымды, ал жаман кісімен мәмілелі қатынаста бол.

Аллаһқа көп зікір, пайғамбарымызға (с.ғ.с.) сансыз салауат айт.

Пайғамбарымыз (с.ғ.с.) айтқан мына истиғфар дұғасын үнемі айтып жүр: «*Аллаһумма анта Рабби, ла шәңа шлла анта. Халақтани уа ана абдука, уа ана ала ақдика уа уағдика ма истатагту. Агузу бика мин шарри ма санагту, абу лака би нигматика алайа, абу би замби. Фагfirли фа иннақу ла яғфиру зунуба шлла анта*» мәғынасы: «Жаратқан Ием, Сен менің Раббының, Сенен өзге тәңір жоқ. Сен мені жараттың, мен Сениң құлышының. Сениң уәдеңе барынша лайық болуга тырысамын. Өзім жасаған жаман істерінен Сенен пана сұраймын. Сениң құзырыңа Өзің берген нығметіңің жауапкершілігі мен жасаған күнамді арқалап барамын. Күнамді кешіре ғөр. Күнәларды тек Сен кешіресің». Осы ұлы истиғфарды тұнде оқып жатқан пенде сол кеште кенеттен дүниеден көз жұмса пейішке кіреді. Сол сияқты таңертең оқып, күндіз қайтыс болса да пейішке кіреді.

бар, ол аман болса дене де аман, ал сырқаттанса дене де сырқат. Ол – жүрек».

• Кісіге сөзімен де, ісімен де зиян тигізбейтін мұсылман – шынайы мұсылман.

20. Денің сау, басың аман күндерде де үнемі үрей мен үміт арасында жур. Аллаһ тағала жайлы ойың жақсы, ниетің шынайы, ізгі үмітпен дүние сал», – депті. Міне, Имам Ағзам Әбу Ханифа ұлына осыны өситет еткен екен. Сәлімгерей баласымен болған ұзак та қызық әңгімесін аяқтады.

Алаулаған күн қып-қызыл бол Қызыл теңізге батты. Мекке шамдарын жақты. Айнала нұр жамыла бастады. Ақшам намазының азаны шақырылып қойған. Сәлімгерей баласын өртіп бас мешітке асығып барады. Гибадатта өзіне, отбасына ғана емес, тәуелсіз отанына, халқына Жаратушы иемізден тілек тілемек. Алла тағала тілегін ылайым қабыл етсін!

Әдебиеттер:

1. Жұнайд Багдэди, «Тазкират ул-әулия», Ташкент, 1997
2. Имам Абу Ханифа ан-Нуъман. Алматы, 2005
3. Юсуф Таусали, «Хикматлар хазинасы», Ташкент, 2003
4. Мухаммад Али әл-Кутб. Основатели четырех мазхабов. М.-Санкт-Петербург, «Диля», 2005

[ISBN 978-601-80187-3-2]

9 786018 018732

Әбсаттар ДЕРБІСӘЛІ
ҰЛЫҚ ИМАМ - ИМАМ АҒЗАМ
ӘБУ ХАНИФА

Пішімі 70x90/32. Офсеттік басылым. Қағазы офсеттік.
Шартты баспа табағы 3,8. Тараптамы 50 000 дана.
Тапсырыс № 792.

Тапсырыс берушінің файлдарынан
«Dostar media group» ЖШС-нде басылды.
050063, Алматы қаласы, Яссуи көшесі, 16

«Ей, иман келтіргендер! Аллаға, пайғамбарға және өз араларындағы ұлықтарыңа бойсұнындар. Егер өзара бір нәрсеге келісе алмасандар, оның жайын Алладан, пайғамбардан сұраңдар. Аллаға, қиямет күніне сенетіндерін рас болса, бұл сендер үшін қайырлы әрі тиімді»

(«Ниса» сұрекі, 59-аят),

ТЕГІН ТАРАТЫЛАДЫ

ISBN 978-601-80187-3-2

A standard linear barcode representing the ISBN number 978-601-80187-3-2.

9 786018 018732